



**PEKELILING PENTADBIRAN
BILANGAN 34 TAHUN 2013**

**PENUBUHAN POLIS BANTUAN
UNIVERSITI TEKNIKAL MALAYSIA MELAKA
(UTeM)**

Pejabat Pendaftar
2 Ogos 2013

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 3 (34)

2 OGOS 2013

PEKELILING PENTADBIRAN BIL. 34/2013

PENUBUHAN POLIS BANTUAN UNIVERSITI TEKNIKAL MALAYSIA MELAKA (UTeM)

1.0 TUJUAN

Pekeliling Pentadbiran ini bertujuan untuk memaklumkan kepada pengetahuan semua staf dan pelajar Universiti Teknikal Malaysia Melaka (UTeM) mengenai Penubuhan Polis Bantuan Universiti Teknikal Malaysia Melaka (UTeM).

2.0 LATAR BELAKANG

2.1 Penubuhan ini adalah sejajar dengan perkembangan semasa Universiti yang telah beroperasi lebih dari 10 tahun di samping sebagai langkah proaktif untuk mempertingkatkan mutu penyampaian perkhidmatan keselamatan Universiti dan menjadikan Pejabat Keselamatan UTeM lebih profesional selaras dengan perkembangan semasa Universiti.

2.2 Penubuhan ini seterusnya telah mendapat kelulusan dari Polis Diraja Malaysia pada 26 Februari 2013.

2.3 Penubuhan Polis Bantuan adalah berdasarkan kepada Bahagian IX, Akta Polis, No. 41/67 dan Peraturan-peraturan (Polis Bantuan) Polis 1970 (P.U. (A) 461 bertarikh 21 Disember 1970).

3.0 JUSTIFIKASI PENUBUHAN POLIS BANTUAN UTeM

3.1 Memberi kuasa Polis sebagaimana yang tertakluk di para 4.0 bagi tujuan tindakan penguatkuasaan dalam pencegahan yang lebih menyeluruh dan berkesan.

3.2 Meningkatkan imej Universiti dan satu usaha yang lebih proaktif.

3.3 Menambahkan keyakinan kepada anggota yang bertugas dan menjadikan Pasukan Keselamatan UTeM lebih profesional.

3.4 Pengurusan lalu lintas yang lebih cekap.

3.5 Membantu Pihak PDRM dan sebagai unit sokongan untuk mengurangkan kadar jenayah dikalangan warga Universiti serta meningkatkan rasa selamat.

3.6 Anggota Polis Bantuan yang di arah menjalankan tugas di dalam kawasan Universiti Teknikal Malaysia Melaka boleh melaksanakan : -

- i. Rondaan, bit dan kawalan statik
- ii. Kawalan orang ramai, memeriksa orang dan kenderaan
- iii. Melindungi dan mengiringi harta majikan
- iv. Mencegah kesalahan-kesalahan jenayah

4.0 KUASA

4.1 Urusan berkaitan pentadbiran/pengambilan/latihan Polis Bantuan UTeM berpandukan kepada undang-undang dan arahan mengikut : -

- i. Sek. 47 - Sek 50 Akta Polis
- ii. Peraturan (Polis Bantuan) Polis 1970 (P.U.(A) 461/1970)
- iii. Perintah Tetap Ketua Polis Negara A501
- iv. Tugas Utama PDRM Sek 3 (3) Akta Polis 1967

5.0 PEMAKAIAN LOGO POLIS BANTUAN UTeM

5.1 Pemakaian logo Polis Bantuan UTeM digunapakai pada : -

- i. Pakaian Seragam
- ii. Pejabat Utama, Pejabat Keselamatan
- iii. Pos Pengawal Keselamatan
- iv. Kenderaan
- v. Apa-apa berkaitan dengan Pejabat Keselamatan

5.2 Logo Polis Bantuan UTeM (**Lampiran A**)

6.0 TARIKH KUAT KUASA

Pekeliling Pentadbiran ini berkuat kuasa mulai 26 Mac 2013.

Sekian, terima kasih.

"KOMPETENSI TERAS KEGEMILANGAN"

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp

